

經部

欽定四庫全書 經部

春秋辯義卷首七

許校官監察御义正此孫建 給事中沒温常經復勘

總校官進士日終 校對官中書品用尹街 腾 録 監生是張

琪

鈞

ススノフュートニョー 焚門于曹曹人 故人曹執曹伯以界宋人假道于衛 春秋鄉美 國將解宋圍而曹衛固于從 無不得歸者趙子常曰晉 治候無相執之道晉雖 明 卓爾康 撰

歸 賢君以示教戒于天下乃以巫史之言釋曹伯又取貨以 受盟者抑又甚馬晉侯皆不能正以王法廢而熙之更立 **ุ楚叛中國其罪已著而衛侯廢伯主之命殺其弟之攝君** 不賴斯盟矣故温之會執衛侯歸之于京師則二君挾荆 受盟晉復衛侯以践土之盟也衛侯入而前驅殺叔武是 衛人弗許既而楚師敗衛侯懼出奔楚使元咺奉叔武以 其罪宜廢而伯主以私釋之也春秋之世篡奪者無所顧 衛候其戰功雖傷而大義不明故二君者皆書歸以見

金牙匹尼二世

巷首七

請于天子討負芻墓逆之罪誅之以謝諸侯而立子臧以 忌雖齊晉盛時猶不能討曹負獨殺其太子而自立諸侯 請討之晉属公會諸侯于戚執曹伯歸于京師使属公能 者通謂君臣及公子母弟也國逆而立之本無位則稱 釋之故書其歸見厲公以釋有罪累京師也至于歸入之 大丁·日日 上方 町 復歸諸侯納之曰歸以惡曰入孔氏曰釋例曰凡去其國 義諸家紛紛左氏曰凡去其國逆而立之曰入復其位曰 君曹則大義信矣乃列于會而後執之又歸之京師而後 春秋辨義

本有位則稱復歸齊小白入于齊無位也衛侯鄭復歸于 金牙丘尼台里 為或言復歸者出惡歸無惡復入者出無惡入有惡入 季是也身為我首則曰復入晉樂盈是也公羊氏曰曷 曰歸以惡曰入胡氏曰春秋書歸有二義一易辭 者出入惡歸者出入無惡穀梁氏曰歸易辭也范氏曰 衛復其位也諸侯納之有位無位皆曰歸衛孫林父蔡 二、義善者謂之歸易者亦謂之歸也大夫出奔反以好 例日歸為善自某歸次之此傅曰歸易辭也則歸有

人の可事人 某者六祭李陳黄宋華元為善辭衛孫林父楚公子比 子忽無譏衛侯鄭衛侯行二人一律也有譏衛元回惡 歸者八鄭突曹亦皆奪正衛侯鄭殺叔武見討伯主出 之也曹伯襄閔之也又陋之也季子宜之也書入者十 為惡辭曹伯質獨為幸詞書復歸者五來歸者一鄭世 叛而反國公孟驅蒯瞶之黨叛蒯瞶而從輒自某歸于 入皆無善狀蔡廬陳吳郑益皆見復于滅亡之餘趙鞅 春秋辯義

辭也其書入亦有二義一難辭一遂辭也王樵氏曰書

衛獻入夷儀春秋俟其改過也故書爵書人而不名胡 書字書入齊小白陽生苔去疾可以有國而無君父之 命故雖以國氏不書公子而書入鄭突衛朔失正亂倫 叔本小國春秋前失爵在字例入者出入皆惡明當誅 例于衛朔曰逆辭則鄭突亦可入此例公年注以為許 氏于許叔小白去疾皆曰難辭則陽生衛獻亦可入此 已失國而又求入春秋以其逆也故書爵書名書入獨 二李廉曰諸侯入國例七許叔宜復國而不得其道故

書世子而斜提留不書公子者書世子以著靈公之失 多不合义曰春秋書納者七皆不當納也糾不書公子 是益不知入許之本末而妄為此說也左氏歸入例亦 書納蒯瞶以世子亦書納蒯瞶無親之大罪也蒯瞶得 與提齒同公之伐戰與晉之弗克納同糾提齒以庶孽 之亦多不通左氏曰諸侯逆而立之曰入孔氏曰本無 弗受之辭也部照同此義此皆前人歸入之大例然按 也楚之納順子與公孫寧儀行父齊之納北熊伯皆內

A C. JO LOI Like !

春秋辯義

權 突之書歸為順祭仲是突本有惡聖人特欲順祭仲行 惡又安得以言歸為善乎益緣誤以祭仲為知權故以 脇而廢正立不正耳出何惡乎以突為奪正則出入皆 之位又何足援乎公羊曰復歸者出惡歸無惡王樵氏 位則稱入鄭突衛朔不有位乎復其位曰復歸衛元咺 則樂盈之出為無惡乎入者出入惡則小白出以逃難 曰公羊以鄭忽之復歸為復鄭則其出也正以祭仲受 而從無惡之書也有是理乎復入者出無惡入有惡

金に人口屋人門

入以有奉安見其惡乎歸者出入無惡則趙鞅歸晉其 而目呼之耳彭城宋地魚石入之縣盈晉人還入晉地 者許叔流離在外國人望之久矣乗便入國可謂之難 身潜出不亦難乎以胡氏之例言之諸入固有難者逐 故書曰復益其成叛繇于復入而非復入足為叛也子 且順乎至復入之例諸家皆以為大惡益因復入之人 且逆乎諸歸固有易者順者鄭突曹亦皆奪正可謂易 出也以叛可謂無惡乎穀梁曰歸易辭也鄭突入櫟囊 J 7. J 1. St. J. St. 春秋辯義

金万したといる 故為之說曰直至其所曰入明徵其返曰歸失位以出 還又並合禮故曰還事畢也善辭也公如晉至河乃復 者存其本事而善惡自見耳獨還復之說陸氏最妥其 公還自晉歸父還自晉士匄聞齊侯卒乃還皆不當更 復者事畢文正倒也當為還者事畢復者事未畢師還 曰公羊云還善詞也比復為善也穀梁云還者事未畢 納此六言者夫人往來措辭之常無所褒貶也其褒貶 曰復歸 驀還舊地曰復入有奉而來曰自 因人而入

復也 公孫教如京師不至而復仲遂至黄乃復皆事未畢而

戎狄

春秋相終始向非齊晉二伯天下不為左衽者幾希夫 子所為嘆微管也我自隱二年與魯會盟已不安蠻夷 西周之季王綱解而戎益東戎狄相繼為中州患幾與

而有擅站之想矣莊二十年齊人伐之至二十四年侵

曹入其國逐其君勢大猖獗山戎為其種類三十年齊

5/5/77 L L 2. m.

春秋辯義

責其獻王即使獻王不告于魯魯安從書之觀宣公十 遺俘常理斷之此時二伯未起天下尚不知尊周安能 六年晉使趙同獻狄俘于周此最當書亦以不告不書 夷狄匡天下之特筆馬左氏情不晚事漫以諸侯不相 年公伐戎三十一年齊侯來獻戎捷益春秋子齊桓攘 人伐之所以披其黨也特書山我必非前我也二十六 下之事深幸其有此一獻以者尊攘之業何不可也莊 可見矣且春秋固魯史也夫子借魯表一王之法繫天

之姜戎文公八年之雒戎宣公三年陸渾之戎成公元 捷則三四年間犄角齊桓以成戎捷且見我會助伯之 和戎五利之策使盟諸戎修民事田以時十一年公謂 年之茅戎不過數條而襄公四年傳載晉悼公用魏絳 公同許男伐北戎益殄滅遺類固無大害矣三十二年 力亦不淺馬得此一提而戎患以銷至僖公十年齊桓 公二十六年書公代戎而三十一年即書齊侯來獻戎 魏絳曰子教寡人和諸戎以正中華八年之中九合諸 春秋游義

我有餘而于狄不足然能使那遷如歸衛國忘亡一 尤熾益自齊獻戎捷之後次年狄伐邢而狄始見經入 誘殺陸渾之戎竟為晉滅哀公四年晉且執戎蠻子赤 哉至僖公十八年齊桓公卒五公子亂狄敢于救齊竟 親暱不至為蒙六忽諸者則齊桓二救之功亦安可很 歸于楚矣此春秋治戎之始終也而為春秋之患者狄 侯以金石之樂賜之至昭十六十七年而戎蠻子為楚 入衛伐晉滅温侵鄭何啻戎之侵曹齊桓攘卻似于

金ケレドルノニョー

卷首上

作干戈之衛二十年且與齊盟儼行增站之禮自此以 1 NO2 1 Lite . 末受伯命在位七年攘楚不服其迫衛帝丘之遷政在 親事然固不可謂非遺舞餘靈也不然秋之為中國害 文公卒之前年雖卒後一年晉人敗秋于箕非文公身 後伐鄭侵齊逼衛遷帝丘而狄之横益不可制矣晉文 狄僑如以命宣伯而左傳于鄋購四子詳其始末穀梁 年而文公十一年我曾有叔孫得臣敗鹹之事叔孫獲 四十年矣使有一矢著狄鏊春秋何以不書乎後十三 春秋辯義

灼攘狄之功與魯益不誣也秋散而赤狄盛八年晉師 書白秋則秋勢分矣其狄勢所以分者得臣一敗之功 年書秋侵衛一條而此後宣公三年四年書赤秋八年 子書此全以攘狄之功與會益得臣敗狄後止于十三 侈其佚宕亦非小弱矣傳言長秋而經单言秋則長秋 白狄伐秦傳載晉及狄平十一年 晉侯會秋于攢函益 不可誣也得臣敗狄之後而即書赤狄白秋者則夫子 即前狄可知不然亦狄中佼佼可為全狄之勢者也夫 ž

六年赤狄遂有路氏甲氏之滅春秋攘秋之功至此觀 2 1. Joins 1. 1. 公九年同秦人伐晋而晋遂敗之十二年晋人敗秋于 三子列狐柳受職賞天下無復有亦秋之患矣至成公 交白秋以制赤秋也于是赤秋果狐而宣公十五年十 交剛昭公元年晉荀吳帥師敗狄于大鹵傳言無終羣 無賴于白狄遇待必衰白狄亦知晉之給我也于是成 三年晉之伐屬各如則赤秋之别種也赤秋既滅晉亦 春秋辯義

春秋一書義莫大於尊攘而所攘者有三戎也秋也楚 也隐桓以後戎當為諸侯患至莊公而其勢稍衰秋繼 山争雄戰國晉且先鮮虞亡矣此春秋治秋之始終也 十三年遂有鮮虞之伐自是十五年定四年五年哀六 治狄用戰其法異也其白狄別種為鮮虞遂成一國晉 年伐鮮虞者又四見于經鮮虞終不可滅而更別號中 臥楊之側安能客此即假道鮮虞以伐肥滅肥而昭 公 狄而白狄亦衰自此狄竟不見于經是晉之治戎用和

卷首上

當哉 陸趙諸人亦第随人口吻曰夫子作春秋如何尊周室 勢亦弱惟楚終春秋之世為時最久然彼哉一 固未當頌言該之左傅子尊攘大義漫不知省後儒如 為患于那衛諸國齊桓晉文前後治之追宣成後而狄 而但于伐鮮虞則曰故疆伐潞子則曰殘幼於大義至 何攘夸狄其實於聖人真實臣濟俱不能一 世變 春、許人 語夫子 一枯出

一蛋了口足 全書 齊桓初主盟則在莊十六年同盟于幽也五霸桓公之 盛則僖九年之會于葵丘也晉不復主盟而齊復主諸 盟于齊也楚大夫始見經則僖之二十一年楚人使宜 交則莊二十三年荆人來聘也荆之易而為楚則僖元 年楚人伐鄭也楚始與夏盟則僖十九年會陳蔡楚鄭 師于幸也楚陵中國則莊十六年之荆伐鄭也荆與魯 二年虞師晉師滅下陽也楚始見經則莊十年荆敗蔡 侯則昭二十六年景公之盟于鄭陵也晉始見經則僖 表看上

蜀也楚與中國準亦自成二年蜀之盟十二國首楚人 來聘也初子楚以伯則宣十一年楚以陳侯鄭伯盟于 楚專合大夫則昭四年之十二國會于申也楚此後 于宋也諸侯旅見于楚則襄公二十八年之公如楚也 也晉楚同主夏盟則襄二十七年豹及八國之大夫盟 辰陵也楚大夫有氏族則成二年公會楚公子嬰齊于 復稱人則昭十七年之楚人及吳戰于長岸也泰始見 來獻提也楚君臣始見于經則文九年楚子使椒 春秋游義

與諸侯盟則襄五年晉宋列國會于戚也自隱以來齊 襄十四年骨尚偃十三國之見伐也越始見經則昭五 鄙也大夫將書大夫則襄十七年齊高厚帥師伐我北 經則僖十五年晉侯及秦伯戰于韓也秦君臣始見經 鄙也自成二之袁婁以來齊世從晉而始叛之則在襄 伐魯皆書人耳其君將書君則文十五年齊侯侵我西 年會楚人伐吳也吳始見經則成七年吳入州來也吳 則文十二年秦伯使術來聘也秦此後不與晉交兵則

一多ににんとう

卷首上

二十三年齊侯伐衛逐伐晉也鄭之叛晉則定七年齊 ניאול ליםות לואי 言也以大夫會諸侯則文元年公孫教會晉侯于成也 諸侯自相救也諸侯自相救猶可言也以異救陳不可 叔孫豹帥師救晉後晉楚之救不書者六十年至哀七 以大夫盟諸侯則文二年公孫敖會宋公陳侯鄭伯晉 沙也魯亦叛晉則定公十年及齊平也自襄二十三年 侯鄭伯盟鹹也衛之叛晉亦自定七年齊侯衛侯盟于 年而書鄭腳弘救曹哀十年而書吳救陳中國無伯而 春秋辯義 +151

新築也使舉上客舊法也文十八年書公子遂叔孫得 處父而後凡將書大夫必貶而後人之自宣公而後征 士殼盟于垂隴也是故書士穀而後凡役書大夫大夫 生万匹屋 二年書季孫行父臧孫許叔孫僑如公孫嬰齊帥師而 臣如齊而大夫並使無使介矣將稱元帥舊法也自成 伐益在大夫故自宣公十八年公伐杞後凡伐皆不書 專將則文三年晉陽處父帥師伐楚以救江也是故書 公衛書大夫帥師則成二年衛孫良夫帥師及齊戰于

大夫也夏四月會伐秦七國之大夫也冬會于戚七國 專矣君咸在會大夫竟自盟雖盟非尊者之事令大夫 夫及袁僑盟也雖以表僑故不與同盟而盟自大夫益 Cal Color Askin **盟亦無不可而君權倒置太阿下執至此而君臣之體** 夫專矣大夫自為盟則在襄三年叔孫豹及諸侯之大 不可復問矣益襄十四年春正月會于向十有四國之 如會吳于鍾離也雖以句吳故不屑與會然而會自大 四卿並將無將佐矣大夫自為會則成十五年叔孫係 春秋辯義

盟于折者何大夫專將既自文三年陽處父帥師以救 之大夫也三會皆國之大事而大夫皆專之豈晉悼將 文二年與士殼盟于垂雕始則桓十一年之柔會宋公 終倦動不振乎則晉平初立安得不有溴梁之事即大 伐杞後不書公者八十年不狃侯犯陽虎等起而政不 夫叛君則襄二十六年衛孫林父入于戚以叛也魯自 江始則隱十年之暈帥師會齊人鄭人伐宋者何豈非 在大夫復書公則宣六年公侵鄭也夫大夫專盟既自

金げんじんんごう

巷首七

將者益以大夫為之主耳若桓十一之盟于折宋公為 我魯已為之兆乎而乃獨責于晉也然所惡于專盟專 衛侯鄭伯于鄄此會不必殊也僖八年洮之盟王人與 得不書桑書暈也王臣于諸侯會不必殊而盟殊盟于 自為盟而暈之自為伐也且在我魯不可書魯人辭不 盟此盟于小臣不必殊也僖九年葵丘之會宰周公不 小臣不必殊而大臣殊莊公十四年單伯會齊侯宋公 主而柔從之隱十年之伐宋齊為主而量從之非柔之 と手 中四

**對定匹庫全書** 大臣争相執耳矣春秋之初王綱猶振桓五年蔡人衛 者會盟王臣之定例至襄公二年單子與晉宋列國盟 與盟此大臣殊也齊桓尊周立法必無僣越之事此三 單伯會伐宋立言有法王室亦甚威重馬至成公十六 為伯首在尊周莊十四年與陳曹伐宋請師于周書曰 侯不惟無相從者而反助衛朔以與天子抗至于齊桓 人從王伐鄭猶有體也至莊六年而王人子突救衛諸 于鷄澤昭十三年劉子與晉齊列國同盟于平丘則王 卷首之

陸氏曰古者一字不成文辭皆以氏字配之姜氏子氏 路氏以氏配國也母氏聖善以氏配親也然則通而言 名也仲氏吹箎又不念伯氏之言以氏配字也滅赤秋 以氏配姓也季氏臧氏以氏配族也哭于賜氏以氏配 晉侯伐鄭則天朝卿佐亦與執戈矣是皆世變使然 年公會尹子晉侯齊國佐都人伐鄭十七年公會單子 名稱 春八解以

變高固之類不言其姓婦人乃稱姓姬姜之類禮曰男 此皆如近代之論房也又曰男子皆以氏配名華元士 子稱名婦人稱姓是也公子公孫以子孫為氏明與君 為祖也其餘則或以官或以邑為其氏族以自分别凡 類而後代子孫因以其字為氏示所出不亂所謂别子 不易义公子之子例以諡配氏僖伯文伯宣叔襄仲之 體以異于衆臣也不以國為氏者異于君也曾孫以

之皆得言氏别而言之單言氏者皆謂族也姓則百代

卷首上

二十而冠敬其名而立其字五十乃為大夫則又敬其 以子者配其字之美稱故避之父則本非配字之言故 字而呼伯仲凡稱其字必加子字于上子美稱也且以 子孔故曰孔父父美稱也加之者亦以便于言也古者 亦有名父者如孫林父胥甲父之類而無以子字名者 便于言也子突子哀是也宋孔父以子是其姓不可言 可為名 下去君稍疎則可書其氏矣又曰子生三月父命之名 1207 ... 2 3.1... 春山

金片正度生言 夫以見殺名子朝以争立名非是不名也天子三公稱 公曾為三公而有土為畿內諸侯者亦曰公皆以其地 凡王世子不名王子稱字必見殺若相殺而後稱名伎 名稱二 卷首上

臣稱子者皆畿內諸侯也劉子單子是也凡王朝大夫

未爵稱字南季仍权是也傳稱內史权服內史于周禮

諸侯者皆曰子殷制已然箕子微子是也周因之故王

配公字言之周公祭公是也天子柳大夫有封為畿内

卒也稱王子猛何也春秋書名嚴于卒葬于其卒不得 去子字夫子之深意也蘇子蘇曰猛既稱王猛矣于其 未及葬節是也然則居皇入王城王下皆當稱子稱名 葬之稱與諸侯同昭二十二年書王子猛卒雖既葬而 今但稱名不稱子與下文異者見其當立與子朝别特 配氏上士中士稱名宰恆是也下士稱人王子在丧未 為中大夫吳氏曰王朝中下大夫四命無封邑者以字 不正其本名也所謂非薨非葬名有所不必盡也諸侯 ,火許 又 ナセン

多好四库全書 竔 出奔稱名即在喪亦稱名也君战國滅見執以歸稱世 稱子以師行稱爵出外稱子惟施于盟會行師稱爵也 **弑殺則不稱其君凡嗣子未葬稱名既葬稱子會諸侯** 卒稱廚稱名葬則舉諡稱公必見紙然後稱其君尚閣 稱公見其非王諡也吳楚偕王生書本爵葬則不書傳 惟宋稱公餘稱侯伯子男四等各隨本爵書之唯葬時 謂避其號也凡諸侯內生稱公葬稱我君外生稱爵 凡諸侯不生名去國辯二君名見納不名復國繼絕 卷首七

諸侯卒不稱爵葬則舉諡稱公同諸侯如葬劉文公是 大きつりったときす! 名小國之君來朝詳之名附庸之君名大者稱字凡諸 攝柳以往可也隱不爵命大夫用攝禮也此三例者不 武是也附庸世子攝君來朝稱人和年為是也凡畿內 禮書爵邸伯來奔是也諸侯之弟攝位受盟稱子衛叔 侯朝會降爵成禮録其實諸侯世子來奔遊以諸侯之 稱名州吁無知是也攝柳稱名無駭暈之類首林父曰 也凡公子公孫為卿書屬公子益師公子買是也非卿 春秋辯義

必然也繼故名之衛晉是也争國名之篡立未會諸侯 之盟稱曹伯僖公九年宋桓公未葬而夏葵丘之會稱 名之殺之雖非卿稱公子諸殺公子不言大夫是也在 宋子可見其不合例者有二桓公十二年十一月衛宣 日月請更詳之如僖公七年冬葬曹昭公而八年春洮 不言大夫其君薨未葬稱子既葬稱爵以葬為斷不以 位見殺書其大夫君臣之辭書屬與氏同也外殺若放 公卒未葬而十三年二月之戰稱衛侯說者曰墨縗臨

くこり事人 衛子尚未以爵行即衛宣雖未葬已踰年衛文雖葬未 蒲夏公至自晉晉侯使士匄來聘不稱子者益晉弑属 瑜年益义以瑜年為重也成公十八年春晉弑其君州 文公已葬而冬十一月洮之盟猶稱衛子豈葬期未遠 戎武事欲威故以爵命也會盟則否僖公二十五年衛 不以君父禮之耳 公時即葬之于翼東門之外以車一乗葬不成禮國人 名稱三 春秋辯義

氏名舊說大夫三命書氏二命書名一命書人按傳言 凡諸侯之子公子曰公子公孫曰公孫公孫之子賜族 據周禮命數為準左氏所言卿大夫之等與周合公穀一 我雖非卿亦名則云一命書人者亦非矣吳楚皆子爵 云二命書名非矣小國之卿二命然非接我不書尚接 叔孫昭子三命踰父兄則叔孫豹二命豹二命書氏則 而其臣書氏名與中國公侯之大夫等當時書法宣皆 稱氏公孫為兄後卒稱族凡大夫為卿二命三命皆稱

8 18.107 1. 1. Al min 1 傳其名天子之命大夫也外柳以事來不見公不名仲 諸侯猶不請命况大夫乎命于天子稱字孔父女叔祭 但據經文言之書名世為大夫書人通謂之微者未賜 知 名成二年晉司空非卿傳稱司空亞旅皆受一命之服 孫高子不以使禮見公禮無所屬也主盟會非柳稱氏 仲單伯是也家語曰孔父生時所賜號女叔來聘穀梁 族稱名挾柔獨之類啖氏謂不請命不書族非也東遷 非卿也内大夫非卿但志其事外大夫非卿稱人 春秋辯義 主

者衆辭大夫既卒不名原仲夷伯是也文公十四年 をグレをとう 氏者有二種曾受王命為卿者以公子為氏公子慶父 夫樂盈良霄之類盜殺不言其大夫非見殺而書大夫 宋人盟宿鄭人序都人下者皆其下大夫也小國之卿 之類是也此外則被殺者非卿亦書公子重骨肉也故 不言大夫而直謂公子陳人殺公子禦冠是也其不稱 孫教卒于外不書大夫位絕也凡諸侯子弟稱公子以 稱人必見殺若討而後書其大夫已絕見討不言其大

大夫者無命大夫也舊說謂無君命若無君命何以得 以别之國氏之說亦未然也會宋齊晉衛祭陳鄭八國 也公羊所謂國氏者是也然各國之公子不稱其國何 非君命之卿亦以國氏齊無知衛晉鄭灾曹亦之類是 為大夫乎禮諸侯之卿皆命于天子平王東遷諸侯之 稱國以氏苔慶之類是也其篡裁及為國人所立則雖 公子而以國帶名謂之國氏亦有二種其君自命為卿 卿自齊桓伯後無不稱族餘國則否公穀言曹莒無 干二

能請命于周假此以與諸國爭長乎抑自為之乎未可 秦雖大國少列會盟故亦不請命楚既借王固當不請 皆得請賜族其不得者小國不能自通者而已終春秋 故書族書名未命者但曰某人言但某國之人耳同于 覇列會頗多凡列班位未命者在己命者下故此諸 國 斷也自嬰齊之後楚卿亦書族矣已命者則通于諸國 及公子嬰齊入會中國春秋書之同于列國命卿豈其 卿無復請命故隱桓及莊之初少有書族者及齊桓既

多少口唐全書

卷首七

之柳不過三人時多僣越其數頗多皆非禮也魯卿雖 札之類是也 未命者書其名詳内事也無駭暈溺是也他國非命卿 **衆大夫及庶士也如此者所以重王命尊周室也大國** 其名詳內事也紀履榆鄭宛苔挐楚宜申苔慶秦術吳 不書既無王命不通于他國也來會及事連會者皆書 春秋自文公以前禮樂征伐自諸侯出以大夫見者多 · 1 名稱四 , 人辛 人 キニ

當求其所以人視其所以而春秋之時義思過半矣夫 名必有異義當求其所以名書名之時書人必有異義 人之文公以後政在大夫無不書名矣故書人之時稱 事所以異外也且我魯之史不可稱魯人彼以事適他 之公孫敖僖三十三之公子遂魯無不名者春秋詳内 文公以前大夫皆人矣而隱二之無駭隱四之暈桓十 國各有本末不得不書名也若閔元之齊仲孫閔二之 之柔莊二之慶父莊三之溺僖元僖三之友僖十五

金好四库全書

完來盟之目何也大其義者著其事著其事不得不著 齊高子以省難來會不勝存亡骨肉之感國人望之如 僖二十五年之莒慶二十六年之衛寗速皆以名見何 其人完安得不書其不言使者不欲處進而書楚子也 父母馬烏得不詳其名氏乎楚以夷自處至成公二年 君而皆臣此年皆君而衛臣君臣屢盟不可不記其實 也首以元年酈之役與魯有怨衛公平首于魯昨年衛 公子嬰齊盟蜀始以名氏入春秋而僖四年即有楚屈

秦伯畧稱人三十三之敗秦晉侯以方墨畧稱人是也 宋御說立方兩月會則御說稱人畧之皆有故也若征 也且列國稱人多是征伐若會盟無處皆君矣即臣亦 至若莊十四之伐宋與單伯會十六之伐鄭二十八之 八之伐衛齊侯以事遠畧稱人僖三十之圍鄭晉侯從 伐大夫固多稱人矣即以君將亦有稱人者如莊二十 會而稱人如莊五以納朔會則齊侯宋公稱人十三以 紀其名以徵會也然而不可謂非政在大夫之漸也君

**驾灾匹虐全妻** 

卷青七

ていかいって とっかい 書人豈齊桓盡以做者主兵哉熊氏曰尚非身係其君 獲白狄子明是卻缺行師而晉侯不過督率之耳齊桓 皆稱人文成襄以前書法自是如此此于稱人之時求 三年晉人敗狄于箕之傳曰八月晉侯敗狄于箕卻缺 救鄭為爭鄭制楚之始宜無所畧何以稱人乎僖三十 其所以名之義也若文公以後書法不得不變矣文元 親之即身在行間亦不必目君也郝仲興曰凡君臣民 公自莊十六年滅遂至僖元年救那始稱齊師以前多 春秋滸義

次年秦伯濟河焚舟封殺尸伯西戎左氏艷稱之而書 上于是即波臣戎客如楚椒秦術且儼然以名通上國 大夫盟諸侯而士殼逐與宋陳鄭三君揖讓于擅站之 兵伐鄭受討丧邑故貶稱人是也二年垂龍之會晉以 年衛孔達伐晉書人杜氏以為孔達為政不共盟主與 無已殘民結怨是亦不可以已乎春秋界而人之即至 而書人者必有故也是年晉人伐秦取汪及彭衙報復 矣故自書士殼而後凡役皆書名氏若不書大夫名氏

毎少にた人二

蟻鬬無己春秋惜之故七年令狐之役兩皆稱人至十 畧異解非有異義于其間也且楚淪于夷秦僻于遠尚 年北徵之取且以國舉書秦伐晉忽畧甚矣說者曰狄 必微者沈即自潰不必將尊師東可知晉秦無志中國 法亦僅曰秦人伐晉而已三年伐沈而晉宋五國稱人 非實以事至易于稱人不甚計也文九年公子遂會晉 年同白秋伐秦十五年伐晉書秦人或人或師或國詳 /非也至十二年河曲書秦人宣二年 伐晉書秦師?

金六旦庫全書 十七年晉衛陳鄭伐宋為孫林父孔達石姓矣即陳公 宋衛許救鄭不及楚師左傳卿不書緩以懲不恪是也 所 稱人也文公十四年鄭激而從楚 晉貪而醜正皆春秋 所以督大教宋魯皆弑晉受路而還故文十七年伐宋 道見弑而文公猶以弑君見討故林父伐宋以失所稱 人晉侯平宋以無功不序明君雖不君臣不可以不臣 孫寧非上柳亦卿也而稱人何即杜氏曰昭公雖以無 不忍言也故宣元年鄭同楚侵陳稱人晉同宋伐鄭 卷首上

こんなりからしたれ 言而稱人則十二年晉宋衛曹清丘之盟也畏晉而竊 成九年鄭人園許也勝大取罪稱人不以勝告稱人則 與楚盟為匱盟稱人抑或從一事再見之例稱人則成 稱人將軍師少而稱人則十年之晉宋衛曹伐鄭也食 國準察侯許男乗楚車失位不書三義以微而稱人則 稱師晉畏楚而還失伯者之義故二年即趙盾在行亦 襄公八年鄭子國子耳侵蔡也尊晉侯而齊宋衛不書 二年十一月蜀之盟也兼有齊非卿故下列楚師與中 春秋游義

每 欠 匹 屋 人们 秦會戚凡三條人名不同多少亦異曹若粉滕薛杞小 大夫者則五月晉悼公會于邢丘也以十四年會向伐 郑七小國不論君柳大夫書人其常也前二條齊人經 躒書晉人何也去年十月荀籍雖已勤王為子朝所敗 以顯之又有别義昭二十三年晉人圍郊者為籍談尚 俱不書名宋人則前二條書人後一條書宋華閱衛則 也然公孫薑比宮括二子稱名益以其身為社稷特名 會向稱人伐泰稱北宮括稱人必微者稱名自柳在行

大夫將稱人者七益有微古子重帥師書于經者詳矣 La Jan Latin 長岸楚復稱人矣意楚衰且從吳同稱乎趙子常曰楚 伐鄭無傳昭公以後两次伐具皆書楚人當時以夷攻 說濟師後五人皆做者故總稱晉人耳哀公十年宋人 十二月晉又以賈辛司馬督閏月又以箕遺樂徵右行 夷無所優劣也林竟叟曰昭公十七年楚人及具戰于 冠患故有事蠻夷但書人 鳳蔡伐陳傳不言其人自 昭 侵宋避晉侯而還故畧之棄師囊尾陽丐未曾為中國 春秋辯義

僖九宰周公是也何氏曰王人街王命會諸侯諸侯當 趙子常曰凡周班諸侯序爵爵均尚德據定四祝伦告 かラレアクラ 莒入鄆一事 再見稱人乃史例 北面受之故尊序于上也實內諸侯之師序列國上僖 長弘益指始封之君而言 也王人序諸侯上僖八王人 而後唯楚君大夫將奪其恒稱治在夷狄也其娶齊伐 |虞師晉師是也大夫如其班隱五伐宋鄭人序邾人 爵次

莊十五伐鄉十六伐鄭二十六伐徐僖二十一鹿上二 九年伐我西鄙二十八救鄭僖五侵陳皆齊人序宋人 達陳公孫寧杜氏曰寧位非上卿也成二蜀之盟齊人 序鄭人下杜氏曰齊在鄭下非卿也襄二十七會宋陳 上時宋非卿也文十七伐宋陳人序衛人下傳曰衛孔 孔與序蔡公孫歸生衛石惡下昭元會號陳公子招序 下僖二十八會温秦人序都人下皆以大夫序卿下也 ·九翟泉皆宋人序齊人上時齊卿猶不先宋也莊十 春八路

蔡侯下其後蔡從中國則蔡侯復序衛侯上其大夫自 衛齊惡下蔡公孫歸生上襄昭以後陳從楚則陳侯序 梁丘序爵益簡禮相見書如其班與主會不同晉自文 其序則主會者為之主會謂伯者伯主序諸侯上齊桓 如其班周禮大司馬設儀辨位以等邦國春秋之初魯 創伯自單伯會諸侯于鄄以後齊侯恒序宋公上唯遇 不待伯者出而班序已亂矣凡主會者所序公羊傳曰 周班後鄭而鄭怒有郎之師小國諸侯亦降爵來朝 卷首七

金宁口居全書

衛侯上祭侯序衛侯上春秋皆以陳蔡衛為序桓十六 益以殭大爾予謂小伯之說出外傳非春秋語陳侯序 疆齊宋皆以為黨故也然自有說杜説非也陳常先衛 年伐鄭衛侯陳侯序蔡侯上杜氏以為蔡後至此時衛 公上益别有故而外傳則曰齊僖于是乎小伯其先宋 為陳介于齊楚之間為三恪故桓公進之非也陳常先 公以後終春秋序齊侯宋公上也紀鄭之戰齊侯序宋 一定之序然至莊十五年齊桓會鄭陳侯先衛杜氏以 **火**牌

|蛋好四库全書| 先衛亦一定之序然至定四年會召陵侵楚蔡侯始復 蔡亦一定之序也然至襄二十六年二十七年陳侯始 許恒序曹伯上十六年會淮許序那侯上成五年同盟 莊十六年同盟于幽許男序滑伯上僖四年伐楚以後 序察侯下益楚人以蔡近且服楚無二心故先察察之 子也于是一及周禮之舊矣子男序侯伯上男序子上 從中國故序衛侯上也陳之在蔡衛後者蔡衛侯而陳 蟲牢邾子序杞伯上六年同盟馬陵莒子邾子序杞伯 卷首七

薛伯上十一年序莒子邾子上傅以為先至非也齊大 受盟稱子序鄭伯下僖二十八踐土衛叔武是也晉卿 鄭上杜氏曰無義例益主會者所為也衛侯之弟攝位 稱子居本班或降其班僖九葵丘宋襄稱子在本班二 國也每貳于晉故悼公違禮進其世子以說齊也在喪 會齊世子光恒序薛伯紀伯小都子上襄十年序滕子 上以後莒邾恒在杞上也世子序小國之君上晉悼之 八會温陳共稱子班鄭下定四會召陵陳懷稱子班

秦師襄二晉師宋師衛審殖是也亦有不序國而序主 兵者隱五都人鄭人伐宋是也秦卿序宋卿上成二盟 **杼序宋華元上以後齊卿恒序宋卿上也唯師以國序** 晉柳恒序齊宋柳上也齊柳序宋柳上襄二會戚齊崔 序齊宋上僖二十九盟翟泉晉人序宋人齊人上以後 序陳蔡下者晉文以周班次之泰伯爵其臣不得先侯 蜀秦右大夫説序宋華元上僖二十九會盟翟泉秦人 莊十齊師宋師僖元齊師宋師二十八晉 侯齊師宋師

以宋不嫌與盟凡做者雖有諸侯之事不序穀梁傳雜 者不取僖二十七年公會諸侯盟于宋宋方見圍雖地 宿亦與盟按宿無與于魯宋之故何為列之盟會故說 之勢也凡盟會以國地者國主不序桓十四會曹僖十 形勢軋諸侯也楚既可先宋則秦亦可先宋矣此天下 至不可得而序也予讀春秋而悲察之先陳秦之先宋 九盟齊二十盟邢皆國主與盟會唯隱五盟宿杜氏云 國之卿也蜀盟超宋卿上者楚嬰齊主會崇其與國以 

金年口~全書 者獎起蠻荆而亂封國之常也許序滑伯上都子序把 記風雨詳陰霽以即事感與馬是歲月日時春秋固 杜氏曰記事者以事繁日以日繁月以月繁時以時繁 伯上者中國自為亂五等之常也天下勢而已矣悲夫 書者有年遠俠簡而不書者聖人亦無如之何耳即所 不欲書也第有一時失記而不書者有他國不告而不 此常法也豈惟大事即散民野服韻客騷人亦或有 E 月 卷首之 無

變山崩地震火災凡如此者皆以日成者也朝觀鬼狩 子繇曰崩麂卒弑葬郊廟之祭盟戰敗入滅獲日食星 書月日亦豈無法哉第以書不書為褒貶較量一時 城築作毀凡如此者皆以時成者也會遇平如來至侵 伐取救次成追襲奔叛執水早雨電水雹雷善字螽螟 しこうし いまう 所不得而措意也趙子常曰凡上有繫日之事而下有 凡如此者或以月成或以時成者也此物理一定聖人 日以寄我委曲之心賞罰之典則聖人亦勞且拙矣蘇 春秋滸義

E 春嫌于不日則再書其日以明日例如桓十二年十 不日之事嫌于同日則書是月以明月例如僖十六年 類益甲子在戊辰前四日杜氏曰書在盟後從赴也赴 則蒙上事日如僖二十八年盟于踐土與朝王所同日 月丙戌公會鄭伯盟丙戌衛侯卒之類尚二役為一事 在後月者則以其日緊後月如成九年七月丙子齊侯 /類凡一 附來日如僖九年九月戊辰諸侯盟甲子晉侯卒之 月有二事俱合日而前事赴在後者則以往 卷首上

定聖人所不得而轉筆也至于他文則非子所敢知矣 事有兩事皆合月者則以下事蒙上事之月事不合月 Called Like 夫事有大善大惡則必慶幸之痛恨之為之備書其所 會諸侯則無朝故蒙上不月事所謂著例也此文理一 卒之類杜氏曰丙子六月一日書七月從赴也凡同月 公朝于王所之類葢壬申十月十日也有日無月見非 下事月如僖二十八年冬會于温天王狩于河陽壬申 而下有合月之事則為下事月尚二役為一事則不為 春秋辯義

金少口是人 繇起以為勸戒之端書時書朔晦書支干人情固自如 皆不以日月為例其以日月為義者惟卿卒日食二事 此則久遠供簡不與近同之一驗矣孔氏日春秋諸事 輕不月為彌輕是也然有勢不得重者聖人雖欲重之 能詳者聖人雖欲詳之而不可得也日為重則不日為 此故日為詳則不日為界不月為彌畧是也然有勢不 下書日者二百四十九宣公以下書日者四百三十二 不可得也按經傳書日凡六百八十一事自文公以

and and the contract of the co **岩柳卒書例傳于隱元年十二月公子益師卒發之曰** 書日然公子牙季孫意如惡矣而書日則非惡也獨公 公不與小飲故不書日然公孫敖卒于外而公在內叔 已思過牛獨拘泥日月太甚至于諸侯之葬以書日為 年以為遠者益言傳聞之遠實為得之趙子常于春秋 孫始卒于内而公在外則非不與也穀梁以為惡故不 也而公羊氏又有食在朔食在晦之說此猶易明者也 而已桓十七年十月朔日有食之傳曰不書日官失之 春、八計、人

多万七尾在書 孟子之言也左氏之言也謂宋為伯者公年之言也謂 奢不日為儉支離垂好殆不可言完如秦惠公之卒書 亦可伯也盛鼓于時逐弗改于後耳或曰謂秦為伯者 蘇賴濱曰或曰五伯并稱何防乎曰防乎戰國之世戰 日而不得其説則歸之無所考而已豈不悖哉 而畫也故下及秦宋楚曰秦亦可伯也宋亦可伯也楚 國之士所以鼓躁其君則伯而已矣曰桓與文恐其高 五伯 卷首七

以伯軋已者故貶管仲以拒之時有以游說軋已者故 楚為伯者又左氏之言也三子之言非與曰孟子激解 管仲不足為矣百里奚反可為乎當究其說矣時則有 又申百里奚以抑之亦不思秦于百里奚曷嘗盡用其 而子為我願之乎且桓文之事不道矣秦繆反可道乎 尼之徒無道桓文之事者又曰管仲曾西之所不為也 公用之而伯矣又曰相秦而顯其君于天下矣又曰仲 也左氏誣辭也公年偏辭也孟子當稱百里奚曰秦繆 九 件 九

金定四库全書 言乎秦易曾伯乎君易響顯乎故曰孟子激辭也左氏 強賊之行也臨戎而見執後世之耻也焚舟之後晉特 孟明也夫孟明不智無勇違父惧君百里奚不幸而生 于百里奚如遺而譽孟明如不及既執而歸則曰不以 曰德何德曰念何念西戎素服于秦豈繇封尸而伯左 不出秦無少加于晉也封尸而歸何救于塗地之敗也 不肖之子秦穆公不幸而畜此不令之臣千里而襲人 **青掩大德义曰孟明念德矣焚舟則曰逐霸西戎用** 卷首人

非後人又獨其說而信其事豈可哉故曰左氏誣解也 氏之筆于是為曲矣舍其父而稱其子掩其是而飾其 是君子不服責其重許襄公而恨其輕待文王也今夫 若有餘楚子夷且陋又臨戎當陣而引三詩援七德若 笑之矣然則公羊不出户之曜儒也其習鄙其言類故 曰公羊偏離也于郊之戰左氏假借楚子滔滔千言沛 卵也而與流九齊注不自虞毀卵而籍石以綿織兒知 公羊之言曰不鼓不成列不禽二毛雖之王之師不過

|安定四庫全書 以之學者疑秦伯霸主魯公尊賢而皆同此該更繆為 横經之儒其誣可知予無責耳矣或曰是則然矣子以 秦伯之諡為繆何哉曰子不觀諡法乎名與實爽曰繆 亦宜乎或曰然有證乎曰有墨家之徒纒子佑鬼神而 書文且曰繆者誤亂之文諡者德惠之表有誤亂之行 引秦繆公上帝賜之年九十事儒者董無心難以秦繆 穆不思其終違蹇叔徒尊子思是真實之大者也繆不 布德執義曰穆之二者判然殊也古之得此諡者秦曾 卷首上,

鄧 而息民語王道則權之聚而疑主不若其散而未有屬 曰昔者秦殺三良而死罪百里奚而非其罪也故立號 者天賜之年有德惠之表者天奪其命乎史記蒙恬傳 也其權聚較利害則權散而交勵不若權之聚可紓禍 日繆古之可證者若此予言員無稽哉 也是惡聚而喜散也惡聚而喜散有激者之心也非王 元錫氏曰或曰桓文之未出也其權散桓文之既出 五伯二 、火牌 手士

一敏定匹库全書 善救人也乃晉文之功莫大于城濮矣然伐衛以致楚 著之衛著之祀也故救邢大其師城衛大其績木瓜著 亡與天下存之我無功馬故不著之齊人無德馬故不 心也夫齊桓之功莫大于存三亡國矣而衛祀其尤也 其處功之矣而終進之于王一民其怨德之報聖人之 也進之王者公之天下也天下之危與天下安之天下之 乃春秋書城楚丘城緣陵畧美績而不序何也進之王 分曹衛田以怒楚縣齊秦以軼楚雖其克提而召陵以 卷首七

以為是謫而不正也春秋之義大居正也踐土尊王之 陳俘王享醴命侑賜弓矢柜鬯命之伯也而經畧不書 忠也會河陽稱符全天王也執衛侯稱歸京師尊京師 功不後于首止而義不得比于首止以為是文具而寡 得比于召陵以為王霸之道自此失也於王圻而盟致 也春秋之義致用忠也程泉之會比美于召陵而義不 汲汲然者經探其志而書及踐土載盟晉敵王所帳而 大肆

義勝城濮終以智計勝也故子玉請戰晉師避舍若不

多定四库全書-盟之漸萌始矣故五霸桓公為盛晉文下之宋襄覇之 德小邦懷德懷于仁也大邦畏力屈于義也滕之為滕 之反柰何彼其人憤烈似義復言似信小不忍似仁而 王人而盟乃其所與盟者晉列國之大夫也而大夫專 其不及也已爾而首執之即受盟而用之何虐也曹宋 弱小矣不與于中國之會盟終齊桓之世不加兵亦恕 施之不當為悖也周書有之曰大邦畏其力小邦懷其 反也秦穆覇之修也楚莊覇之變也其每下者也曰覇 表育上

義也其設之不當也仁義之不縣東也仁不縣東故愛 之怨舊矣始受盟而復圍之斯遵何義也乃會楚則東 車以示信戰泓則不鼓不成列不獲二毛以示仁威加 見經何也日春秋為中國王統而脩也秦穆無志乎中 于小國莫之懷也德租于大國莫之畏也是宋襄之仁 穆覇之脩也誓殿乎典詰詩列之國風重之矣乃畧不 子子為也覇而見執經以自執為文故曰霸之反也秦 不著于惻隱義不縣東故威不斷于羞惡而徒以煦煦

八大井

者薄其迹列其言者者其微故春秋知微也乃楚莊經 秦之所以并天下也故聖人沒其事于春秋而列其言 之霸統適中絕而莫振故謹志于春秋及巴泰減庸書 闢土以為功盡歧雍之地而闢之極西戎以為利是翟 土河陽之會無列則無志馬故也無志乎合中國而專 見何也楚莊有志乎中國者也莊有志乎諸侯而中國 於書詩曰湯湯乎風肅肅乎誓兹胡為乎來哉沒其事 國者也置惠建文立晉君矣城濮之戰與攘楚矣而踐

金 好 四 庫 全書

卷首上

減而書入入鄭而退舍比于禮其入也未減而書園辰 又書曰是索中國之東南而疆之也非志滑汭已也于 陵之盟陳鄭合矣歸父如宋齊魯住矣如之戰晉失伯 是宇有陳鄭宋之師然滅陳而能復比于仁其滅也末 曰是索中國之西南而疆之也非志庸巴已也滅舒敦 自言曰夷狄之有君不如諸夏之亡益戴之也至宋人 經書晉及傷中國失道屑屑于爭鄭而不知其本也其 及楚人平不盟不誓釋然而去之曰非君國之故而平 J. J. J. J. B. 春火竹文 四十

金片四库全書 道而已矣 已不與馬于是知春秋之與善弘憂生民者大而尊王 君子大其平乎已也充斯義也蕩蕩乎欲惡與人同而 同欲而平也故經不書楚子不舉楚師一公之于人益 也從宋人所同欲而平也非宋人所欲而平亦楚人所 天也故治春秋者治五霸而已矣治五霸治之以天 仲興曰説者曰春秋夷楚不與其為國故州之夫禹 楚夷 卷首上

言至近也揚越之地會稽之山具笠之澤皆職方內九 笑矣襄鄧汝漢近在侯綏商頌曰維女荆楚居國南鄉 賢哲為藩輔仲尼一切割為夷狄僅僅守一規之中原 國也楚居荆荆以軍之吳亦夷居楊而何不揚之祗可 **貢九州而朝者萬國周一州為二百一十國州非小于** 武不亦棘端之王也與哉其說始于漢司馬選謂楚故 **貢入馬正朔加馬巡狩至馬朝會同馬帝王盛時以封** 曰此王民王土也不亦觸蠻之天下也與哉而禹湯文 春火生、 四十二

一金 好四庫全書 尚為異域乎齊桓伐楚問王祭不共未嘗該其為夷管 蠻夷吳自壽夢始通中國夫壽夢時春秋之末造矣九 惟不擅楚生平所欲有為者正惟楚按魯定公十二年 不以界周晉齊魯奈何以羣蠻故併界具姓也孔子豈 例古稱荆蠻猶魯淮夷齊來戎周之陸渾晉之赤白狄 仲遣蒙孫通好宋襄求霸乞盟于楚世儒何據創為此 州閥自唐虞歷夏商周千有餘歲豈春秋定哀前荆揚 孔子罷司冠去魯至哀公十一年返魯在外十有四年 卷首七

常在楚也是時齊將絕晉將分諸姬惟衛而國小政亂 故可知也及楚昭王使人聘孔子陳蔡大夫沮之子貢 流離朝不及夕孔子奚取馬益二國楚屬往來頻數意 適楚昭王以兵來迎欲封孔子書社地七百里子西不 曰夫子失魯司冠將之荆先之以子夏申之以冉有其 不可有為諸侯地廣民衆無如楚故檀弓記有子之言 而居陳蔡者強半陳蔡小國耳晉楚吳交爭之其君臣 可而昭王遂卒向使昭王不死孔子其能含楚乎今按 春火件气

金八四屋人 子朝諸侯睥睨神器所不得滿志惟楚人控其膺耳故 論語記孔子遇在接興遇沮溺丈人皆繇楚往來陳楚 機者也然則仲尼稱管仲曰吾其被髮左在所謂被髮 彼執夷夏之例為安攘之說鄙儒之見而不識天下之 諸侯非楚之力與晉自重耳納王請隊包藏不執召天 間耳聖人之志千載如見世儒謂為嬪楚真無稽之言 有晉不可無楚無楚亦不必有晉存則兩存組則并組 日楚不敢兼中原非晉之力與曰然顧晉亦不敢兼 ž

**昔戎狄伐周伐晉侵曹侵杞滅衛齊桓公伐山戎管仲** 者西周之亡也以我而東周之有我也以晉晉人遷陸 夷儀遷那所謂免于被髮左在以此烏在其謂楚乎昔 髮左袵者雖陸渾赤白狄居中國久亦無被髮左衽者 渾于洛以通東周楚子伐之春秋書之子楚功也豈其 平戎于周隰朋平戎于晉城緣陵遷祀城楚丘遷衛城 左袵者非楚與曰非也聖人之寓言也春秋諸國無被 伐戎者反斥為夷而豢戎者反為攘夷乎先王之制蠻 J. 1. 春伙年義

緩千里而南蠻遠在炎傲北向之外楚宅南方侯服之 夷要服去王畿二千里戎狄荒服去王畿二千五百里 食諸侯吞併小國惡其興兵構怨與齊晉汨亂天下凡 義然則春秋無惡于楚乎曰有之惡其借稱王惡其驚 斥為蠻荒則五服缺一面而中原無南土矣豈春秋之 楚上世為文王師受封先齊 魯都郢即今歸州去中原 矣豈仲尼作春秋尚追數 四凶乎江漢汝墳二南首善 中惟是洞庭彭蠡稱三苗唐虞已分北是地為華壤久 卷育七

春秋所惡于楚者晉皆有楚所得罪于春秋晉不無然 これ こうこう 則天下何賴于晉何獨責于楚晉欲致楚不能而說者 五千里舜葬養梧禹葬會稽皆在五服之內殷周盛時 會稽舜南巡将至于著梧之野禹貢五服東西南北各 同唐虞以來東南為文明之區久矣是故禹朝諸侯于 會非聖人之禁世儒艷覇功而應為例何可與論春秋 解嘲曰夷狄不可同盟會夫盟會非聖人之禮不同盟 也吳越當楚東南去中原稍遠然而冠裳文字與中國 春秋饼羲 四十四

金ケロンとき 未央醉夢之言耳 作吳世家謂吳自闔閭始通中國猶醒者晏起而問夜 馬專于格麟之說甚固時遭一人馬專于感麟之說且 而作因以為終或曰制作三年文成麟至兹二説者吾 席書氏曰世儒于獲麟之疑迄無合一之論或曰感麟 無減虞夏惟幽属中衰或數十年不朝天子耳司馬遷 誰與當與博文好古之士尚稽遺經之疑時遭 獲麟 卷育上

March Artino 子者曰格麟之説信然與子曰未也此過于尊聖者為 人神化建天地而不悖質思神而無疑也不知所謂聖 至十四年春麟逐出也斯言也可以語中人不可以語 之也為斯說者其必曰夫子之文成于哀公十三年冬 堅響論頻年其能下也比歲都水准陰有緣舟清浦問 已奇事已怪矣文以冬成麟以春至時之的會事之後 人者正唯無險怪以高人也夫謂春秋成而祥麟至言 上智其諸好事者崇獎聖經之過故為侈大之言謂聖 春秋辯義

先曾無一 道必應于已顧不能使天任已作東周之盛易天下之 猶曰以麟故也絕筆于十一月冬將謂何欺賜虞麟趾 所見而書安知夫子之文果必終于此乎絕筆于獲麟 子于所際之月書所親見事安知非後時而書乎就以 秋之作豈有窮者制作能致達者徵應歟聖人能使天 周召之得邦家者之徵應也夫子不得邦家而後有春 人他經萬世之功不在春秋之下麟之出設果有為將 爽奇怪亦又甚矣謂文成于十一月冬是夫

緣是有發也此亦不得其說而牽會之也按魯哀公十 說何數曰似亦未也夫子作春秋益其生平之志非以 為聖人出不專為春秋出也况實無為乎此格麟之說 シスンマニー ノー・ニー 使當其年不出春秋當何止極乎或謂春秋固然作特 吾無取乎 爾也或曰格麟之說既聞命矣敢問感麟之 不出春秋其終不作乎幸而麟出是年春秋因而終也 年孔子知道不行而自衛反魯十三四年正其刑述 朝一夕故也幸而麟出春秋因而作也使終其身麟 春火群之 四十六

金万四尾在書 或如朱子註大學至誠意章而卒敗此感麟之説亦未 獲麟是年之後或以疾而不能續數或以沒而不及續數 麟之年或于麟先或于麟後皆不能必知也若夫子有 六經時按夫子沒于哀十六年夏麟出于十四年春使 意而止于獲麟其有感于麟必矣其或無意而偶止于 十五六年夫子雖有感而無從作也春秋之作或于獲 麟出於哀公初年夫子初有感而不暇作也使麟出于 喻于人心也或曰二說不同是非必居一矣吾子皆不 卷育上

春秋所書諸侯爵叔之法隨其自通初無進退能用侯 也曰詩亡然後春秋作春秋之作以詩亡也非以麟也 子先言之矣 言曰春秋之作不以麟麟之出不以春秋非子言也孟 曰孔子 懼作春秋春秋之作以 懼亂也非以麟也子當 而亂臣賊子懼聖人以亂賊之懼為功不以麟出為功 之從何也曰無據曰子有據乎曰孟子孟子曰春秋成 大義 . 人火許. 以 明十二

士服入見之禮為卿者無命于王朝之法夫士也不請 二百四十年之為臣為儒者所習而不察乎益自周室 勢利獎奸雄即聖人亦不得已馬嗚呼夫孰知夫子一 因 國因時俯仰不可要典故劉知幾謂春秋就敗以明 下衰強侯擅命一切生殺予奪不復禀承為諸侯者無 伯禮則侯之伯之能行子禮則子之或人或子或伯或 興以立功胡康侯亦曰春秋傾否之書而或者以崇 特書以盡敗二百四十年之為君一字不及以盡 敗 罰

每定四庫全書 一

基首上

**薨大夫皆曰卒柳卒從大夫此定法也列國諸侯之没** , , , , , 雷霆化工之妙真非游夏所可及也一字云何禮曰天 誅之乎 故夫子一字特書以盡降二百四十年之諸 侯 子曰崩諸侯曰薨大夫曰卒此定制也春秋書魯君曰 見之凛然可畏讀者習之隱然不露然後知聖人雨露 命而為諸侯為卿有是理乎有王者起寧待教而 一字不及以盡降二百四十年之卿無一得免者知者 既從臣子解公之矣何以不書薨而書卒乎惟大夫 火許校

二年管仲解饗而曰臣賤有司也有天子之二守國高 太傅詳其語意士會為新請也以士會有滅秋功乃徼 在宣十六年晉侯請于王以黻冕命士會將中軍且為 及者云何曰大國三卿二卿命于天子一卿自命如僖 不與其為諸侯也康侯議論縱橫此最有得哉一字不 天討以正王法則有疑點之刑矣因其告丧特書曰卒 曰周室東遷諸侯放恣專享其國而上不請命聖人奉 稱卒今列國諸侯而稱卒是降其不得為諸侯也胡氏

重好正一 全書

巻首と

處皆自命矣故春秋于諸國一切為卿者不書即有 舊京本色以龍之耳若僖二十七之晉命趙衰為卿成 矣請再明徵之僖三十三年以一命命卻缺為卿而成 十七之晉悼使魏相士魴魏頡趙武為卿昭十二之魯 三年之晉殺卻缺止書大夫不書卿也成三年晉作六 叔孫昭子之以再命為卿襄十九之鄭立子産為卿無 卿皆大夫也諸侯惟得自命大夫吾與其為大夫而已 二請命于天子如士會者亦不書以為諸國皆無卿凡 さん 中へ

多片口だと言 言韓穿趙括之殺止言大夫皆不書卿也文元年公孫 盟于清丘傳謂卿不書而止書衛殺其大夫孔達不書 教以卿出聘而止書公孫教不書卿也宣十四年孔達 以名見者是降二百四十年之卿不得為卿也此夫子 班之等爵布在腹心胡可有缺而春秋一書絕無 亦不書柳也數例合符經傳甚確夫王有公諸侯有卿 軍趙括韓穿為卿而成八年晉侯使來言汶陽之田止 卿也成二年衛孫良夫帥師石成子曰子國卿也而經 卷首上 卿

為盗賊篡逆之徒生前既已為帝為王崇高富貴止籍 竊命于生前又得徽榮于死後是為惡者無時而不利 傳心之要典正得詩人隱諷之旨鳥在其為立功而傾 " Indiana Like 書也陳氏曰春秋上下二百年間未常一書在者以諸 惟命爵即討罪亦然春秋如有義戰固當書在然而不 也然乎聞求叔後亦悔之而事已無及不能追改矣豈 君子筆削之嚴以稍誅其惡而復崩薨之則此輩既得 否即昔求叔書五代之君皆曰崩佐逆皆曰薨或者以 春次許義 **五十** 

從王找鄭亦上之伐下不謂之征何也曰征之為言正 非上之所以伐下罔有敵于我師者也然則陳人蔡人 侯之侵伐皆非奉王命以敵所順相為強弱以構禍亂 を生せる人人の 春秋辯義養育之 鄭之事出于交惡而已豈所謂正乎吁即此三事 義凛然矣 表首上